

江油縣志卷之三

風俗

江油縣志卷之三

窮嚮往乃或中道而弛慕授受遺風爲富室所宗
仰毋乃有感於學者先治生之言耶然竹塢松陰
絳闌相聞道旁停車每動武城之想

民風

同一陶朱公子也長者之情與少者迥異况一邑
之大萬民之衆歟然土費耕耨勢不得不勤財源
窘窄勢不能不儉則夫情與奢之少有非其情固
然抑亦地使之然耳禮云修其教不易其俗齊其
政不易其宜撫茲淳古之風隨時整飭化洽俗成

江油縣志

卷之三

風俗

二

自能蒸蒸日上山陰道中中牟縣裏知不必遠慕
古人也

農事

春耕夏耘秋收冬藏暇則積糞以沃田鑿塘以蓄
水男女勤勞童餉婦饁怡怡然有幽風遺意焉

女功

江邑無極富貴家其婦女多績麻紡綿衣其家人
至春夏養蠶濃陰沃若間提筐盈路極貧者則織
屨以佐其夫捶芒聲晝夜弗絕瘠土不涸其勢然

也。

工役

邑雖僻壤百工具備但康熙雍正間製作樸質經久不壞近則爭奇鬪麗華靡或過矣

商賈

江邑五方雜處其地多產藥材金鉄禽獸之屬而中壩尤為水道衝要百貨咸聚其他山場村市居積買販者無異他處

飲食

江油縣志

卷之三 風俗

三

以紅梁釀者曰燒酒以糯米釀者曰甜酒又有嘔酒黃酒老酒之名食則專以稻為主杜詩云飯抄雲子白可為江地味也若古云地富魚為米今殊不然

衣服

四方衣服好尚不同而江邑久安樸素富者夏細葛羽纓冬裘綿絨緯貧者草笠氍帽終歲布衣色尚藍婦女亦儉約惟晏會則盛裝華飾然亦稱家之有無絕不崇尚靡侈云

嗜好

嗜耕讀不嗜錐刀好積聚不好爭訟

冠婚

豐儉不一然天地之大義人事之終始道無不同禮以時爲大酌乎時宜無過無廢斯之謂禮何必取千百年不行之古禮而行之以駭人觀聽耶邑之以正以時雖在編氓殆莫不然固

聖化之浹人者深邇亦里俗之仁厚者美耳

喪祭

江油縣志

卷之三

風俗

四

國家制以二十七月賢者恒過之故由飯含逮小歛大歛哭泣各如其禮葬用灰槨石槨財力各稱其量蓋悲哀之心出乎自然而非有待於勉強百期週年三週除服必行奠祭之禮鄉隣親友聞其將葬盒酒祭章弔且賻有親睦風至用浮屠諷經士大夫家或正之而百姓時和年豐往往徇其弊不能盡改

祈禳

凡病家延巫道設香楮酒穀誦北斗蓮華藥師諸

經謂之禳星用桃木書符謂之壓鬼勿論巫覡俗
總呼爲端公彭令竹枝詞端公打鼓鬧三更其亦
風俗相沿之陋乎

十二月村市賽會

天時運於上人事變於下蜀中歲時讌會大抵相
類鄉俗最重元旦黎明盥洗燃香楮列肴果拜

天地先靈次父母伯叔次兄嫂後親友鄉隣往來設酒
食相慰勞謂之賀年門貼新聯家換桃符之帖戶

陳春酒客醉夕陽之天謂羲皇上世是耶非耶元

江油縣志

卷之三 風俗

五

宵爆竹徹夜扮龍燈雜劇鼓樂喧闐厥聲載路直
至廿後方止火樹銀花燈輝不夜之城馬去人來
官弛金吾之禁

盛世太平真有象矣

二月初三日祭

文昌帝君鄉村有演戲者城內各官致祭紳士頒胙

三月清明掃墓爆竹相聞干邱紙樹血淚杜鵑紙
灰蝴蝶追遠之思古今同然

四月蠶事畢戶聞煮繭之香屢列賀絲之帟穀擊

肩摩沽酒而脯謝蠶母之錫佑樂婦子之歡騰
五月端午節單刀會兒童競攜角黍香囊故老相
傳慶祝

開帝由來已久而鎮好事者彼此釀金或令梨園演戲
或造龍舟競渡連朝歡會民氣和樂不倦商賈亦
習而相忘

六月六日俗語六月六晒衣服凡衣物受潮濕於
夏交秋而虫生故衣服書畫恒於是日曝之然亦
不自今始又是日爲賽社神祈穀節曰秧苗土地

江油縣志

卷之三 風俗

六

社中人咸扮影戲燕飲醉飽亦一日之澤也

七月七日古人於此日曝衣乞巧故有鵲辭穿線
樹花映曝衣樓之句邑人亦間有爲之者不可謂
無所本者耳十四日敬祖宗秋祭也而浮屠流倡
爲盂蘭會假懺悔以射利鄉愚不悟羣趨焉彼固
不知佛爲何如人其教爲何如教也

八月中秋舖戶賣月餅爲玩月供鄉村收蕪畢者
少休息燕飲爲樂城內客民咸過節有預送節禮
儀物者各祠廟僧撞鐘聲倍常清亮肴松下之月

影聽花宮之鐘聲旅人不無故鄉節物之感
九月九日登高文人韻事有携酒者登山行令浮
白拈韻分題者極一日樂田家於是日釀酒曰重
陽酒隔年宴客以爲美

十月一日爲牛王神誕綠川省與北五省異田多
水耕不用騾馬專用犢自正月選屬龍日駕牛從
此曳犁濡尾終歲無時少息蓋六畜之中惟牛爲
最辛勤故食其力者耐其德鄉人於此日搗糯米
餅虔供奉醮金演戲三四日不等無所少吝所謂

江油縣志 卷之三 風俗 七

有功德於民則祀之之意也

冬月冬至爲長至節鄉俗不重惟以十九日爲太
陽生辰各剎諷佛唸經鄉人亦於是日虔禮而敬
祀焉

腊八節鄉俗間有行之者然亦不重二十四祭竈
張燈燭通街輝煌爆竹聲至夜半鄉村於二十三
四兩日祭有衿三民四之謠蓋民終歲勤動於焉
少憩對竈神而祈福炳香楮以迎祥時和歲稔稱
盛事焉

除夕鄉俗最重朝食後謁拜諸尊長曰辭年爲酒
食午後祭家神祖宗家人歡聚燕飲曰年飯少者
或不寢賽爆竹聲徹夜曰守歲子瞻詩云努力盡
今夕少年猶可誇邑之風俗由來舊矣

鄉飲酒禮

皇清

順治元年定京府及直省府州縣每歲於正月十
五日十月初一日舉行鄉飲酒禮設賓介主人衆
賓之席順天以府尹爲主直省府以知府州以知

江油縣志

卷之三

鄉飲

八

州縣以知縣爲主大賓擇鄉里年高有德之人位
於西北介以次長位於西南三賓以賓之次者爲
之位於賓席之西衆賓序齒列坐司正以教職爲
之主揚觶以罰失儀者贊禮讀法以生員爲之以
申明

朝廷之法敦序長幼之節

順治二年定順天府詳查鄉飲酒禮舊制移送禮
部題請施行嗣後每歲由順天府具題將所舉賓
介等姓名履歷呈部存案

又定鄉飲酒讀律令曰律令凡鄉飲酒序長幼論賢良尚年有德者居上其次序齒列坐有過犯者不得干與違者罪以違制失儀則揚觶者以禮責之

乾隆十八年議准各省舉行鄉飲事不畫一旦竟有頻年闕畧不舉致曠

大典者應令各省督撫轉飭所屬府州縣每歲遵照定例於正月十月舉行二次其賓介之數據會典所載鄉飲酒圖有大賓介賓一賓二賓三賓衆賓

與大僎一僎二僎三僎之名按儀禮賓若有違者諸公大夫則既一人舉觶乃入注言今文遵爲僎又曰此鄉之人仕至大夫者來助主人樂賓主人所榮而遵法者也或有無來不來用時事耳又曰不干主人正禮也謂之賓者同從外來耳大國有孤四命謂之公又疏言一人舉觶爲旅酬始乃入即是作樂前人又戴記坐僎於東北以輔主人所謂席於賓東助主人樂賓者也其言主人親速賓及介而衆賓自從之至於門外主人拜賓及介而

衆賓自入三揖至於階三讓以賓升拜至獻酬辭讓之儀繁及介省矣至於衆賓升受坐祭立飲不酢而降皆無一言及僕者所謂不干主人正禮者也嗣後應令順天府及直省府州縣先期訪紳士之年高德邵者一人爲賓次爲介又次爲衆賓皆由州縣詳報府尹督撫核定舉行其本地有仕至顯官偶居鄉里願來觀禮者依古禮坐於東北順天府及直省會城一品席南嚮二三品席西嚮各府州縣三品以上席南嚮四五品席西嚮無則闕

之不立一僕二僕三僕之名不入舉報之內仍將所舉賓介造具姓名籍貫清冊送部存案倘鄉飲後間有過犯按所犯輕重詳報禡章咨部除名併將原舉之官議處

乾隆二十七年議准嗣後凡鄉飲賓內除貢監生已經考職候選者准其照應選之職服用頂帽補褂外其餘監生用金雀頂青袍藍邊生員銀雀頂藍袍青邊至於耆民本無品級應穿用鮮明常服不得濫用金頂補服

附儀注併圖

鄉飲酒禮儀注京府及直省府州縣歲以孟春望日孟冬朔日舉行於儒學前一日執事者於儒學之講堂依圖陳設坐次司正率執事諸生習儀至日黎明執事者宰牲具饌主人及僚屬司正先詣學遣人速賓僕以下賓至主人率僚屬出迎於庠門之外揖入主居東賓居西三揖三讓而後升堂東西相向立贊兩拜賓坐僕至主人又率僚屬出迎揖讓升堂拜坐如前儀賓僕介至既就位執事

江浦縣志

卷之三

鄉飲

十

者贊司正揚觶引司正由西階升詣堂中北向立執事者贊賓僕以下皆立贊揖司正揖賓僕以下皆揖執事者以觶酌酒投司正司正舉酒曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟友弟恭內睦宗族外和鄉里無或廢墜以忝所生讀畢執事者贊司正飲酒飲畢以觶授執事執事者贊揖司正揖賓僕以下皆揖司正復位賓僕以下皆坐贊讀律令執事者舉律令案於堂之中引

讀律令者詣案前北面立贊賓僕以下皆立行揖
禮如前讀畢復位執事者贊供饌案執事者舉饌
案至賓前次僕次介次主三賓以下各以次舉訖
執事者贊獻賓主起席北面立執事者酌酒以授
主主受爵詣賓前置於席稍退贊兩拜賓各拜訖
執事者又酌酒以授主主受爵詣僕前置於席交
拜如前儀畢主退復位執事者贊賓酬酒賓起僕
從執事者酌酒授賓賓受爵詣主前置於席稍退
贊兩拜賓僕主交拜訖各就位坐執事者分左右
立以次酌酒獻三賓衆賓徧賓主以下酒三行供
羹執事者以次酌酒飲酒供饌三品畢執事者贊
徹饌候徹饌案訖贊賓僕以下皆行禮僕主僚屬
居東賓介三賓衆賓居西贊兩拜訖贊送賓以次
下堂分東西行仍三揖出庠門而退

鄉

廩

廩

正

廩

東階

飲

酒

書

禮

圖

火

帳

帳

西階

鄉飲者民

皇清

江油縣志

卷之三

鄉飲

三

先仕奇

石維圖

何光朝

張朝爵

戴君祿

以上五人乾隆五十二年舉報

恩賜有差

敬文崇

羅其瑤

涂有章

程世偉

申秉南

何爾珏

以上六人嘉慶元年舉報

恩賜有差

李臺

陳英玉

楊登朝

謝魁元

張文利

楊再義

卿及聯

石鍾美

陳賢勳

任芝佐

李國華

陳琇

任芝相

鄭集禮

許名魁

羅靈

江油縣志

卷之三 鄉飲

十四

李大綸

竇瑄

馬慶雲

王鑑

以上二十人嘉慶十四年舉報

恩賜有差

柴福來

吳梓英

申啟麟

楊國輔

郭秉智

廖瓊琇

吳集思

廖瓊高

曾芝棟

雍中科

郭長棟

何安達

李家彩

周國智

薛茂魁

徐縱公

楊廷秀

石鍾富

杜清泰

楊大榮

熊卜選

段洪榮

羅維宇

沈宗韶

張遵道

李華

成洪倫

王業

江油縣志

卷之三

鄉飲

五

羅士顯

龔勝如

張洪範

楊名煥

段洪萬

羅于陸

蔡允鳳

以上三十五人嘉慶二十四年舉報

恩賜有差

趙珽

張元茂

笪福元

饒銑

趙玉清

李天楷

謝中學

王者臣

張邦傑

劉洪祖

任芝達

徐紳公

文天生

羅從玉

郭元士

羅啟友

王觀政

羅年爵

謝家槐

趙德新

嚴希堯

以上二十一人道光二年舉報

江油縣志

卷之三

鄉飲

六

恩賜有差

兵制

兵可百年而不用不可一日而不備故先王雖耀德不觀兵而蒐苗獮狩講武四時因農隙訓練之功爲緩急待用之計意良深也我

朝統一天下薄海內外咸歸漸摩然治之以文者必守之以武蜀古稱用武之國幅隕遠濶伏莽易生所以要害之地營衛尤多州縣之域塘汛皆隘大小相維遠近相應磐石苞桑之固莫踰於此矣江油卽地僻壤小兵額無幾而守我疆土衛我民人

江油縣志

卷之三 兵制

練而精之皆

國家有用材也又焉可忽哉志兵制

皇清

龍安營分防江油縣汛

左哨千總一員

額設馬步戰守兵六十五名

乾隆五年六月因營中止設右哨千總一員不敷操練隨將駐防江油汛原設左哨千總一員並兵丁二十五名檄調進營協同營中一體操練所遺

江油汛防隨將左哨頭司把總一員於是年六月
內撥赴江油汛仍管領戰守兵四十名改缺駐防
至今並未增裁

一把總一員每年俸薪銀三十三兩六錢養廉銀九
十兩馬二匹草乾銀二十二兩四錢

一戰兵十名每名每年領給餉銀二十二兩零五分
六釐共銀二百二十兩零五錢六分

一守兵三十名每名每年領給餉銀十六兩三錢九
分五釐九毫九絲九忽八微七塵共銀四百九十

江油縣志

卷之三

兵制

二

一兩八錢七分九釐九毫九絲六忽一微

以上四十名總共銀七百二十二兩四錢三分九
釐九毫九絲六忽一微過閏加增

舖遞

舖遞之設所以通遠邇之政令使命也江邑北有龍安南有成都上下公牘往來最煩無舖遞以司其事則勞吾民者不少矣我

朝經畫維周緘悉靡遺驛傳之外更置舖遞給以役食雖費不奢責以專司雖勞不怨上不誤公下不病民誠善政也故鳥道連雲初無留滯之弊鯨波隔岸恍同星雨之飛則睹無遠弗屆之風正可見聲靈之四訖矣志舖遞

江油縣志

卷之三 舖遞

底塘舖

在城內

五顯廟

在城北關外

柳林子舖

在城北二十里接平武縣界白石舖

松抱柏舖

在城南十里

女兒堰舖

在城南二十里

中壩場舖

在城南四十里接彰明縣界太平場舖

以上六舖每舖司兵三名共十八名內五顯廟舖

司兵一名抽帮綿州

按舊志載西平驛置夫二十名馬二十四匹又有黎

堽廟貫子舖楊家舖趙盤堽石子嶺等舖各置司
兵今俱裁

江油縣志

卷之三 舖遞

二

武功

治天下者必以文安天下者必以武夫斬將擐旗
摧鋒逐北人臣出萬死不顧一生之計以衛社稷
以奏膚功英風義烈誠昭千古矣至若未膺推轂
之榮而有敵愾之氣或誓衆以禦侮或仗義以折
衝亦鐵中錚錚庸中佼佼者也我

國家懋功懋賞干城腹心咸銘竹帛殊勲異績悉紀
旂常獎勵優隆之典又何讓麒麟凌烟之專美於
前也哉志武功

江油縣志 卷之一 武功

皇清

李廷明 長坪人多勇畧獻賊至集鄉人立營自衛
號令嚴明賊不敢犯事平授成都城守副

將康熙六年

詔封昭勇將軍

敬登第 長坪人胆力過人助廷明
禦獻賊功最多賊畏憚之

羅奇才 號鳳羽廩生多智略獻賊至部署鄉人設
險自守間出奇兵屢却獻賊全活甚衆論

功授縣尉不就授以知府亦辭及卒
名士楊廷杰題其墓曰樂天隱叟

德楞泰 嘉慶五年庚申正月賊匪冉添元由定遠
過河二月營于梓潼泥底河總督魁倫不

能禦退保金山驛賊遂長驅至金門壩二十二日
破公字山寨日未午抵縣東新店場殺戮狼藉焚

掠殆盡公率滿漢屯土官軍營黃茅嶺天臺山距
新店場賊營五里翼日平明擊賊賊衆披靡遁走

白家壩追斬數千賊窘由百頃壩焚重華場入青
林口又追擊之賊緣山而下至石子嶺之火石壩
設伏以待公公張左右翼以進一軍從烏龍觀擊
其西一軍從黑龍洞擊其東公自將中軍三面奮
力攻打賊衆崩潰死者無算遂生擒首逆冉添元
等械至成都斬于東市餘黨竄歸湖北皆賴公平
定之當時論平賊功公第一爵繼勇侯攝四川將
軍事蜀人立祠事之臺山集冉賊由劍川之武連
驛下走梓潼百頃壩等處適於馬蹄岡造飯聚食
德將軍追兵忽到鎗炮大震鄉民之團結山寨者
亦以鎗炮相應賊欲前遁不能爭於岡之左右奔
突又爲溪田所阻冉添元陷於泥淖遂生擒之是
役也殲於陣者數千降者數千奪回男婦之被擄
者又數千說者謂賊過嘉陵江後殺賊武功此爲
第一

江油縣志

卷之三 武功

鹽法

昔管子相齊煮海爲鹽國以富强秦漢而後唐置
鹽監權鹽使鹽鐵使宋初納鹽課折錢絹繼又罷
課改引明時稅額漸增名曰新增鹽添辦鹽增羨
鹽考之歷代權法雖不一要以天地自然之利佐
國家賦稅之供鹽政之關詎不重哉江邑山僻路
崎無井竈利採辦潼綿行銷鹽引非若江浙之煮
海秦晉之鹽池有富商大賈可以行於各省者比
也我

江油縣志

卷之三

鹽法

朝鹽政久定成規而又設立專司關差以董厥事不
令商人畸輕畸重不許勢豪屯積官鹽上足裕
國下不病民悉經書之周詳誠萬世之良法也志鹽

法

一鹽稅銀配三臺綿州陸引共三百二十一張共
配鹽十萬七千六百六十斤每張徵稅銀二錢七
分二釐四毫共徵稅銀八十七兩四錢四分四毫
解鹽茶道庫

茶法

粵稽賦役一冊茶稅之法由來舊矣自唐時回紇入貢以馬易茶遂增天下茶稅宋始印給茶引元定長引短引明置腹引邊引歷代稅法不同而衛民與備邊義實一也我

朝酌古準今釐定章程慎引目謹關防取之商賈不取之農工取之夷番不取之田賦有抑末之理有懷遠之道公而匪私義而匪利允爲經久之良規矣志茶法

江油縣志

卷之三 茶法

一茶額銷名山縣邊引七張每張徵稅銀四錢七分二釐其徵稅銀三兩三錢四釐每張徵課銀一錢二分五釐共徵課銀八錢七分五釐硃力銀四分九釐起解鹽茶道庫

一耗羨截角銀每張徵耗羨銀一錢二分四釐共徵耗羨銀八錢六分八釐每張徵截角銀一錢四分二釐共徵截角銀九錢九分四釐起解藩庫

嘉慶八年奉文帶銷茶照票息銀每票一張徵銀一兩零八分照票十張共徵息銀十兩零八錢起

蠲政

施舍已責之說見於春秋漢唐而下或因儉歲或因大役皆有蠲政宋乾德四年免四川夏稅及諸徵之半元明以來無名不急之費間亦蠲減至我朝厚澤深仁周於海宇川省之邀異數者屢矣田有賦而常除丁有錢而屢復湛恩汪濊浹髓淪肌江邑雖狹孰不共沐

天家之恩也哉志蠲政

康熙二十六年常額應徵地丁錢糧奉文全行蠲

江油縣志

卷之

蠲政

免

三十三年常額應徵地丁錢糧奉文全行蠲免

四十三年常額應徵地丁錢糧奉文全行蠲免

五十年常額應徵地丁錢糧奉文全行蠲免

雍正七年常額應徵地丁錢糧奉文全行蠲免

乾隆十年常額應徵地丁錢糧奉文全行蠲免

三十六年常額應徵地丁錢糧奉文全行蠲免

三十七年常額應徵地丁錢糧奉文蠲免一半

四十一年常額應徵地丁錢糧奉文蠲免十分之

三

四十三年常額應徵地丁正閏錢糧奉文全行蠲免

五十六年常額應徵地丁錢糧奉文全行蠲免

嘉慶元年常額應徵地丁錢糧奉文全行蠲免

二年常額應徵地丁正閏錢糧奉文蠲免十分之

二

五年常額應徵地丁正閏錢糧奉文全行蠲免

七年常額應徵地丁錢糧奉文蠲免十分之一

江浦縣志

卷之三

蠲政

二

四 道光六年常額應徵地丁錢糧奉文蠲免十分之

江油縣志卷之三

職官 武秩附

唐虞建官惟百夏商官倍亦克用又至周而三百六十各有專司事不廢而治以降後世設官實昉於此顧邑之建革無常官之廢置不一世遠年湮其姓字弗傳里居莫考者何可勝道夫名宦之紀紀其功德及民也秩官一書則倣古人官署題名之例凡蒞茲土者咸得備載焉自秦漢以來士大夫官於江油者多矣可考者十無二三非記載之

江油縣志

卷之三

職官

一

畧而典籍之亡也我

朝御宇搜輯靡遺今次而例之孰不觀濟濟而為邦國之慶耶志職官

邑在前明縣尹以下主簿一員教諭一員訓導一員典史一員驛丞一員

是清初設千總一員裁主簿教諭驛丞康熙四十二年復設教諭雍正七年添設巡檢司於中壩乾隆五年裁千總而設把總今計職官如左

文秩

知縣

宋

謝伯林

詳政績

元

李彥文

詳政績

明

周伯汶

詳政績

文 理

詳政績

安 和

景泰年任

江油縣志

卷之三

三職官

二

張 登

成化年任立學
廣教邑人稱之

桑時用

成化年任
始築城

馬月輝

成化年任
繼完城工

潘大武

詳政績

余 槐

嘉靖年任
於紫龍山建亭志德
有應民

王向葵

嘉靖年任
涪水泛溢
築雙林堰蓄洩得宜

江 曙

嘉靖年任

周 資

字少泉
楚人

葉自新

萬歷四年任
修葺城垣增益堞堞

安祚 萬曆十六年任作城串房環以濠

岳宗 未詳

馬宏源 崇正七年任

皇清

詹履道 江南寧國人歲貢康熙元年任

黃極 詳政績

萬瑞麟 山西長治人監生康熙二十二年任

劉秉智 順天大興人官生康熙二十六年任

萬維賢 河南封邱人丁酉舉人康熙三十二年任

江油縣志

卷之三 職官

三

于有慶 詳政績

李若元 山西靜樂人癸卯舉人康熙三十八年任

陳圖 字包文江南江寧人歲貢康熙四十一年任後陞知州

朱樟 字鹿田浙江錢塘人己卯舉人康熙四十六年任鈞強興學安集民人陞主事

王士穎 詳政績

彭陞 字基士江南溧陽人辛卯舉人康熙六十一年任始修邑志

李愉 字廷怡山東利津人拔貢雍正六年任

陶繼潛 順天大興人庚子舉人雍正八年署

田朝鼎 浙江嘉興府石門縣舉人雍正十一年署

陸翼 江南青浦人 癸巳進士 雍正十二年任

魏文 順天大興人 癸丑進士 乾隆三年任 改縣署大門南向 卒葬邑西山

萬詢 湖北麻城人 癸卯舉人 乾隆十一年署重湖三堂 詳請天倉 乾元二觀田和作義學

膏火

楊輔相 字錦峯 浙江歸安人 丙辰舉人 乾隆十二年任 移建文廟

曾曰瑞 江西南昌人 監生 乾隆十九年署

張永宏 直隸清苑人 乙卯舉人 乾隆二十年任

王鈞 直隸肅寧人 拔貢 乾隆二十二年署

瞿緝曾 字熙仲 雲南楚雄人 己酉舉人 乾隆二十二年任 續修邑志 城垣 武廟 書院

江油縣志 卷之三 職官

四

雷懋德 陝西潼關人 進士 乾隆二十七年署

石欽承 河南開封府陳留縣人 舉人 乾隆二十八年署

褚端北 乾隆三十年署

劉軾 江西撫州府崇仁縣人 進士 乾隆三十年任

姜炳章 浙江寧波府象山縣人 進士 乾隆三十二年署

李志魯 浙江安吉縣人 明通進士 乾隆三十三年署

臧敬 浙江湖州府烏程縣人 舉人 乾隆三十三年署

趙廷獻 雲南彌勒州人 進士 乾隆三十四年署

賈廷彥 山西陽曲縣人 舉人 乾隆三十四年署 陞龍安府知府

鄒灝 江蘇吳縣舉人 乾隆三十五年任

廖方舉 乾隆三十九年任

文玉 滿州鑲黃旗舉人 乾隆四十年任

張鑑 漢軍正黃旗監生 乾隆四十一年署

褚雲門 河南睢州人 副榜 乾隆四十四年署

馬日璞 山東新城縣監生 乾隆四十四年署

德清 筆帖式 滿州人 乾隆四十五年署

劉德欽 廣東新興縣舉人 乾隆四十五年任

魏之琳 湖北武昌府人 優貢 乾隆五十年署

江油縣志

卷之三 職官

張建勳 漢軍鑲黃旗人 監生 乾隆五十一年署

陳慶嵩 福建龍巖州人 蔭生 乾隆五十一年任 文廟增築城垣並祠廟公署

施謀 浙江仁和縣舉人 任彰 乾隆五十七年署

李世榮 筆帖式 漢軍人 越巖廳 通判 乾隆五十七年署

何洛書 湖南郴州舉人 乾隆五十八年署

方焯 安徽定遠縣人 廩貢 嘉慶元年署

張九思 廣西靈川縣舉人 嘉慶四年署 時賊匪紛擾設團訓練與民協守城池晝夜不懈

吳進堂 浙江歸安縣人 監生 嘉慶五年署

孫文起 江蘇常州府武進縣人 進士 嘉慶八年署

楊英燦 江蘇金匱縣人監生嘉慶十四年署

常連 滿洲人越嵩廳通判嘉慶十六年署

王衡 陝西西安府咸寧縣人監生嘉慶十七年署纂修邑志

王統 安徽穎州府阜陽縣人乾隆已酉拔貢嘉慶十八年署

臧振飛 河南河南府偃師縣人乾隆壬子舉人嘉慶十九年署

楊佩芝 貴州大定府畢節縣人嘉慶辛酉拔貢嘉慶二十年署

黃繼修 廣西桂林府靈川縣人嘉慶辛酉舉人二十四年署

李廷璧 雲南雲南府晉寧縣人嘉慶庚申舉人二十四年署

鈕正湘 浙江紹興府會稽縣人監生嘉慶二十五年署

江油縣志 卷之三 職官 六

焦維域 山西直隸忻州人嘉慶已卯進士翰林院庶吉士道光元年任

陸錫祺 廣西桂林府灌陽縣人嘉慶癸酉拔貢道光二年署

原桐 甘肅鞏昌府隴西縣人道光元年孝廉方正六年署

李澄 直隸承德府人道光乙酉拔貢七年署

鄧仁瑩 湖南寶慶府武岡州人道光五年乙酉拔貢八年署

張維翰 直隸保定府清苑縣人道光九年任

毛輝鳳 江西南昌府豐城縣人嘉慶戊寅舉人道光十五年署

李卿毅 河南光州人道光壬午舉人十八年署

陳尚邵 江西撫州府崇仁縣人監生道光十九年署

桂

星

任

廂白旗蒙古人道光己丑進士二十年

江油縣志

卷之三

職官

七

教諭

明

饒旭

正統年任
興立學校

李藻

詳忠義
政績

周俊

嘉靖
年任

忠言

嘉靖
年任

皇清

乾隆四十二年復設

程遠

井研縣人
丙子副榜

唐叔度

綿竹縣人
歲貢
康熙五十九年任

江油縣志

卷之三

職官

京

幹

定遠縣人
癸巳舉
雍正二年任

游

宜賓縣人
恩
貢雍正九年任

英

忠州人
丙辰
恩科
乾隆七年任

遴

與文縣人
彰明訓
導乾隆十年署

彭

水縣人
巳酉副
榜乾隆十六年任

新

都縣人
恩貢
乾隆二十年任

陽

縣人
丁酉副
榜乾隆二十一年任

縣

人
恩貢
乾隆二十二年任

人

進士
松潘教
署乾隆二十二年

彭仁 巴縣人 拔貢 乾隆二十四年任

郭大有 羅江縣人 副榜 乾隆二十七年任

薛燕孫 年任 四十七

倪瑯 巴縣舉人 乾隆四十七年署

傅思誠 墊江縣舉人 乾隆五十六年任

劉志銳 安縣人 歲貢 嘉慶二年署

司為善 巫山縣人 壬戌科 進士 嘉慶三年任

李聯洪 三臺縣廩貢 嘉慶六年署

張謹度 新繁縣拔貢 嘉慶八年署

江油縣志 卷之三 職官

易簡 營山縣副榜 嘉慶十年任

楊珊 新繁縣舉人 嘉慶十四年署

魏雲鯤 新繁縣廩貢 嘉慶十七年署 同邑合纂修邑志

尹俛一 敘州府南溪縣廩生 十八年署

何文澄 重慶府璧山縣人 拔貢 十九年任

蔣宗悌 敘州府宜賓縣人 嘉慶戊辰舉人 十四年署

夏貢廷 順慶府隣水縣人 嘉慶辛酉舉人 二十四年任

劉士鴻 邛州蒲江縣人 嘉慶甲寅舉人 道光十三年任

馮灼文 敘州府慶符縣人 拔貢 十四年任

敖翊臣

重慶府榮昌縣人道光

毛含暉

成都府溫江縣人嘉慶
丁卯副榜十八年任

江油縣志

卷之三 職官

三

致

訓導

明

汪仲傑

劉萬

嘉靖
年任

葛騰芳

嘉靖
年任

皇清

趙晉

新津縣人
歲貢
康熙二十六年任

王英才

井研縣人
歲貢
康熙四十七年任

饒士盛

資州人
歲貢
雍正六年任

江油縣志

卷之三

職官

陳明書

隣水縣人
歲貢
乾隆十年任

王猷

南充縣人
歲貢
乾隆十九年任

嚴永孝

雅安縣人
歲貢
乾隆二十六年任

冉睿

綿州人
歲貢
乾隆二十六年任

陳昭

長壽縣人
舉人
乾隆五十年署

高凌鵬

歲貢
乾隆五十六年任

王化一

綿竹縣人
歲貢
乾隆五十六年任

馮學謨

隣水縣人
歲貢
嘉慶四年署

高廷瑞

內江縣人
舉人
嘉慶七年署

尹倬一 南溪縣歲貢嘉慶十三年署

張繼先 敘永廳歲貢嘉慶十四年任

張盛泰 資州人嘉慶庚申舉人十八年任

冉思儒 重慶府江津縣人嘉慶庚申副榜二十三年署

杜麟定 順慶府南充縣人嘉慶戊午舉人二十三年任

馬騰蛟 資州仁壽縣人廩貢生道光三年署

蕭綰 重慶府定遠縣人歲貢道光四年任

程獻猷 理番廳人恩貢生道光十年署

曾世驥 潼川府蓬溪縣人嘉慶戊寅舉人道光十年任

郭人鑑 敘州府隆昌縣廩生道光十三年署

江油縣志

卷之三

職官

二

主簿 今裁

明

劉攀麟

隆慶丁卯年任

陳良

嘉靖年任

錢銳

嘉靖年任

張煥南

湖廣沅陵人 萬曆十三年任

江油縣志

卷之三 職官

一

巡檢 雍正七年新設

皇清

徐源 雍正十年任

甯承勳 河南榮陽人 監生 雍正十一年署

林潮 雲南人 乾隆四年任

辜省齋 浙江平湖人 吏 乾隆四年任

馬秉彝 順天大興人 供 乾隆七年任

張元成 浙江仁和人 供 乾隆八年署

范大猷 江蘇元和人 吏 乾隆九年署

江油縣志

卷之三 職官

毛基 山東海陽人 吏 乾隆十年署

周應元 順天宛平人 監生 乾隆二十三年署

江宏 順天宛平人 乾 乾隆二十四年署

吳均 順天宛平人 監生 乾隆二十四年署

陳士英 順天宛平人 議敘 乾隆二十五年任

張郡猷 山西浮山縣 監生 乾隆三十二年署

吳正倫 江西德化縣 監生 乾隆三十五年署

汪廷棟 乾隆三十年署

黃鎬 廣東嘉應州人 乾 乾隆三十八年任

洪瑾光

順天宛平人乾隆三年署

楊堂

廣東人乾隆四十二年任

喻夢現

內閣供事議敘乾隆四十四年署

錢文瑞

乾隆四十五年署

黃德昭

浙江仁和人乾隆四十五年署

戴繼軾

浙江山陰人監生乾隆四十八年署

王國瑞

江蘇吳縣人吏目乾隆四十九年署

顏秉忠

從九乾隆四十九年署

劉學鍾

江西吉安府監生乾隆五十年署

江油縣志

卷之三

職官

二

沈維祈

福建漳州府監生乾隆五十年署

段膺紳

江西監生乾隆五十一年署

張裕全

安徽安慶府桐城縣監生乾隆五十二年署

陳禮

安徽人供事議敘乾隆五十六年署

李晨

廣東韶州府英德縣拔貢乾隆五十八年署

葉觀陽

乾隆五十八年任

柳熙

湖南監生乾隆五十九年署

李塋

順天大興人議敘嘉慶五年任

范志銓

江蘇元和人嘉慶十年署

盛繼祖

順天宛平人
嘉慶十年署

徐若瀾

盛京錦州人
一年任修理中壩河堤
嘉慶十年

嚴昌鎔

浙江湖州府烏程縣人
嘉慶十八年任

胡鍾

順天府大興縣人
嘉慶二十三年署

石藻

順天府大興縣人
嘉慶二十三年任

李志昉

江蘇揚州府甘泉縣人
嘉慶二十四年署

馬承煜

浙江紹興府山陰縣人
道光元年署

方之中

山東登州府海陽縣人
道光八年署

鄒觀光

江蘇常州府無錫縣人
道光九年署

江油縣志

卷之三 職官

三

李之銓

江蘇吳縣人
道光十四年署

馬延

浙江紹興府會稽縣人
道光十五年署

王瀟

江蘇太倉州人
道光十五年任

典史

明

張古基

董子成

景泰
年任

姜綱

天順年任
奏建城垣

孟潑祿

嘉靖
年任

董大材

嘉靖
年任

侯北

嘉靖
年任

皇清

江油縣志

卷之

三職官

許爾爵

康熙十
一年任

黃起有

陝西華州人
康熙十九年任

李樹聲

陝西富平人
康熙二十四年任

文楓

陝西富平人
康熙三十四年任

鄒元錫

浙江山陰人
康熙四十二年任

魏公韓

直隸成安人
康熙四十五年任
供事

崔生璣

直隸唐縣人
康熙四十八年任

徐騰蛟

江南宣城人
康熙五十七年任
供事

范大成

雍正七
年任

王化貞 陝西甘泉人 乾隆元年任

王洪道 順天大興人 乾隆七年任

金明達 順天宛平人 乾隆十年署

江宏 順天宛平人 乾隆十年任

葉芳評 江西新建人 乾隆十九年署

茹錦 浙江山陰人 議敘 乾隆二十年任

吳均 順天宛平人 監生 乾隆二十六年署

徐愷 江蘇金壇人 乾隆二十六年任

謝治安 貴州鎮遠人 乾隆三十年任

姚才耀 乾隆三十年任

方洙 安徽懷寧縣增生 乾隆四十一年署

郭吉高 直隸開州人 乾隆四十二年任

宋大鈺 山西汾州府介休縣監生 乾隆四十八年署

劉樹 江西永新縣人 乾隆四十八年任

黃家相 江西監生 乾隆五十二年署

劉燧 安徽寧國府旌德縣人 從九 乾隆五十四年任

耿素政 河南歸德府寧陵縣監生 乾隆五十六年署

鄭迪 順天府大興縣監生 乾隆五十六年署

江油縣志

卷之三 職官

驛丞 今裁

明

王世祿 嘉靖
年任

劉宣 嘉靖
年任

江油縣志

卷之三

職官

一

黃新煥

湖北江陵人監生乾隆五十七年任

楊愷

浙江鎮海人議敘乾隆五十九年署

陸朝集

江蘇元和縣人乾隆六十年任

曹清

安徽徽州府歙縣人監生嘉慶八年署

倪茂椿

浙江湖州府歸安縣人監生嘉慶十六年署

楊雲亭

江西九江府湖口縣人嘉慶十九年署

朱壽民

順天府大興縣人嘉慶二十四年署

趙秉璜

江西建昌府南豐縣人道光元年署

張成弼

甘肅涼州府武威縣人道光二年任

江油縣志

卷之三 職官

孔毓珍

山東登州府寧海州人道光十一年署

張垣

安徽安慶府懷寧縣人道光十一年任

武秩

皇清

龍安營分防江油汛駐防左哨千總

凌朝英

乾隆四年任

把總

乾隆五年新設

龔茂瑞

松潘人行伍乾隆五年任十一年隨總兵

亡

穆倅彩

龍安人行伍乾隆十三年任

楊文魁

成都縣人行伍乾隆十五年任

江油縣志

卷之三 職官

侯華

漳臘人行伍乾隆三十一年任

陀興讓

成都縣人行伍乾隆四十四年任

董其福

松潘人行伍乾隆六十年任

李廷棟

成都縣人由軍營拔補未任即補千總

馬成章

華陽縣人行伍嘉慶七年任

湯聯陞

成都府成都縣人行伍嘉慶二十四年署

嚴有貴

成都府郫縣人行伍嘉慶二十五年任

陳得勝

成都府成都縣人行伍道光七年署

馬驥駒

成都府郫縣人行伍道光八年任

王雄英

成都府郫縣人行
伍道光九年任

徐自普

松潘人行伍道
光十四年署

李耀龍

成都府郫縣人
科武舉道光十五年署
嘉慶辛酉

林上第

綿州安縣人
道光七年任
酉科武舉十六年任

江油縣志

卷之三

職官

二

江油縣志卷之三

選舉

武科成均附

古者以六德六行賓興賢能故有鄉舉里選之制
自唐以詩賦取士後世因之或試詩賦或試經藝
策論制不同而得士則一迄乎有明易以制藝二
百餘年得人尤衆我

朝闕門顛俊超越前代春秋兩闈試以詩文經策士
之策名於

天府者如榷楠杞梓皆植幹材也縱或經明行修未

江油縣志

卷之三

選舉

一

與科目而於成均之外復加薦辟誠搜羅靡遺矣
至若薦揚之選干城攸寄連茹彙征亦可知揆文
奮武義無偏重也志選舉

進士

宋政和年間

楊邁

紹興年間

陳大器

作大臨

陳華

嘉定年間

尚宸午

一作震午

雍繁孫

淳熙年間

張靖

明永樂丙戌科

丁瑛

戊戌科

丁瑛

宣德丁未科

徐忠

歷土事

江油縣志

卷之三 選舉

嘉靖辛丑科

戴仁

歷主事

舉人

明洪武庚午科

衛信歷主事

雍天福歷鴻臚寺序班

永樂年間

丁璠

癸卯科

丁瓌

宣德年間

徐忠

江油縣志

卷之三

選舉

三

文

嘉靖年間

辛和

戴仁

崇正年間

吳國璉

李文蔚

皇清

順治辛卯科

馬慶雲

楊廷杰

梁冲霄

任浙江嘉興縣知縣

苟鍾英

梁達濟

劉啟隆

蒲益昌

甲午科

譚中言 平武撥入

康熙丙午科

李毓春

癸酉科

李占春

雍正癸卯科

楊芳春 任內江縣教諭

江油縣志

卷之三

選舉

四

文

巳酉科

鍾音

乾隆辛卯科

熊載陞 任安徽宿州知州

甲午科

楊如祖 任雲南嶲峨縣知縣

丁酉科

王桷

巳酉

恩科

成道華 任金堂
縣教諭

乙卯科

龔利川

道光壬午科

熊湜

巳亥科

姚秀倫

江油縣志

卷之三 選舉

五

文

武舉

皇清

康熙丁酉科

羅 紱

雍正巳酉科

傅名世

乾隆丙子科

羅大綸 任潼關營都司署理協鎮

趙光宗 山東臨清衛千總

江油縣志 卷之三 選舉

庚辰 恩科

熊維翰 江南建陽衛守備

甲午科

劉德崇

巳亥 恩科

許學夔

庚子科

瞿鍾齡 綏靖營左哨把總

癸卯科

劉一鳴

戊申科

曾延書

甲寅 恩科

薛廷標

乙卯科

歐溢泰

嘉慶戊午科

谷超

江油縣志

卷之三

選舉

七

辛酉科

龍載川

戊寅科

歐欽儀

道光壬午科

何秉元

恩貢

明

辛萬選

官郡博

宋及第

皇清

雍正年間

舒紹董

元年

楊恒年

元年

乾隆年間

袁尚錦

元年

鄭光斗

十四年通志載鄧

唐帝臣

十五年

瞿南來

十七年

江油縣志

卷之三

選舉

八

楊承順

二十七年

蔣芝蘭

三十三年

傅明魁

徐翥南

五十年

周振冕

五十四年

王純仁

五十四年

聶崇德

五十五年

任治偉

嘉慶年間

張翥清

元年

熊卜夢

四年

羅萬善

五年

唐際泰

十五年

陳萬春

二十五年

道光年間

拔貢

皇清

康熙年間

韓紹愈
元年
選拔

袁神采
康熙
選拔

雍正年間

洪元遵
元年
名山縣教諭

宋 炎
六年
選拔

吳 峴
六年
歸德縣知縣

乾隆年間

洪天育
元年
選拔

王世良
辛酉
丹稜縣教諭

江油縣志

卷之三 選舉

楊學洙
辛酉
選拔

李培元
癸酉
選拔

羅基充
癸酉
昭化縣教諭

吳大焜
丁酉
府教授慶符縣教諭

徐士楠
丁酉
江安縣教諭

王 播
乙酉
名山縣教諭

張有儀
乙酉
選拔

李 暹
己酉
選拔

嘉慶年間

蕭廷芳
辛酉
選拔

羅 書
辛酉
選拔

陶學淵
辛酉
巫山縣教諭

蕭映奎
癸酉
選拔

道光年間

姚萬安
乙酉
選拔

姚萬謙
乙酉
選拔

胡應嶧

乙酉
選拔

姚秀倫

丁酉
選拔

陶希祖

丁酉
選拔

江油縣志

卷之三 選舉

十一

歲貢

明

姬 轍

任大權

皇清

順治年間

呂大章

陶俊

彭作哲

李世龍

李猶龍

何豸

康熙年間

江油縣志

卷之三 選舉

三

任勛世

羅雲繡 十年

羅經藩 十二年

王綱肅 二十年

楊茂蘭 二十年

王瑾 二十年

江 岱 三十一年任
夾江縣教諭

楊光雄 三十年

羅經國 三十三年任
保縣訓導

湯若霖 三十年

熊作哲 三十年

何養邃 三十年

筮 聰 四十一年任
南江縣訓導

張鳳翼 四十年

趙大成 四十五年任
閬中訓導

李 讓 四十年

石懷瑾 四十七年

羅 傑 四十七年任
順慶府訓導

許 銑 四十九年通志作銑

焦 菁 德 五十年任合江縣訓導

趙大猷 五十年

梁 彩 五十年

任 文 五十四年任鹽源縣訓導

熊 興 周 五十年

何其遠 五十七年

箕 兼 善 五十九年

李春茂 六十年

楊 廓 雄 六十年

雍正年間

趙晉元 元年

馬 儒 駿 二年

張維典 三年

賈 文 達 四年

薛光宗 六年

李 育 世 八年

江油縣志 卷之三 選舉

黨尚雅 十年

乾隆年間

舒 謨 元年

羅 紱 元年

舒 展 五年任江安縣訓導

鄧 均 七年

宋 儒 八年

苟 容 九年

王朝英 十年

楊 珣 十六年

呂廷楷 十七年

江 緒 海 十八年

楊芳聲 二十年

熊 朝 輔 二十一年

宋 炳 二十一年

宋 炯 二十一年

甯愚

二十三年

韓羅彩

二十五任
蒲江縣訓導

熊瑞齡

二十七年
三台縣教諭

劉開學

二十九年

趙申颺

三十一年

王業鴻

三十一年

鞏元德

三十三年

陳士學

三十五年
西充縣訓導

陳聖誥

三十八年
捐訓導

舒春蘭

三十九年

郭中魁

三十九年

徐上達

舒春蕙

四十年

羅名世

四十年

王以仁

四十五年
萬縣訓導

魯東山

四十五年
資陽縣訓導

曾登達

四十六年
三臺縣訓導

劉文煥

四十八年
仁壽縣訓導

江油縣志

卷之三

選舉

十四

劉洪泰

四十九年
蒲江縣訓導

劉新德

五十年

任日慎

五十一年

周德盛

五十二年

趙維新

五十四年

蕭之琇

五十五年

李柄

五十七年

王樹典

六十年
通志載平武人

嘉慶年間

任香國

元年

周學洵

三年

劉見復

四年

何書紱

五年

繆維瀛

五年

楊奉璋

六年

羅上哲

六年

趙一清

七年

陳世聞 年七

王汝枏 年九

王建中 年十

賀錫巖 年十一

舒綸 年十二

李鍾偉 年十三

羅元吉 年十四

劉泰瞻 年十五

李恒新 年十五

江岷宗 年十六

道光年間

竇彤芳 年二

宋準 年二

劉翰清 年四

徐超 年十一

馬紹遠 年十二

王以鎮 年十四

江油縣志 卷之三 選舉

涂仕超 年十六

宋友仁 年十六

張映垣 年十九

王瑗 年十九

熊維漢 年八

鄒代盛

江油縣志卷之三

封蔭 應例附

自古報功崇德必宏錫類之仁考績酌庸爰推世祿之義故嘉盡瘁之勤勞禮隆本始憫匪躬之懋績澤流後裔絲綸優渥自昔然矣我

朝湛恩汪濊不棄涓埃凡文武羣僚苟有忠於社稷惠及民人者無不一體加

恩榮其祖父蔭其子孫褒卹之隆超越前代江邑雖無殊勲異績之人而紆金紫邀

江油縣志

卷之三 封蔭

天眷者間亦有焉則策幕府之勲名須益勵宣猷而母 泰厥祖荷

天家之寵命宜何如報効而穀貽子孫也哉志封蔭

封典

皇清

誥贈驍騎將軍署副將管四川永寧協標中軍遊擊事

洪

才

洪畧之

誥贈夫人

鄭

氏

祖父母

誥贈驍騎將軍署副將管四川永寧協標中軍遊擊事

誥贈夫人

洪爾玉

洪畧之

顏氏

父母

誥授驍騎將軍署副將管四川永寧協標中軍遊擊事

洪畧

誥封夫人

張氏

誥贈昭勇將軍福建漳州鎮標右營遊擊加一級

袁承友

袁朝暹

誥贈淑人

任氏

祖父母

誥贈昭勇將軍福建漳州鎮標右營遊擊加一級

江油縣志

卷之三 封蔭

二

袁廣

袁朝暹

誥贈淑人

何氏

之父母

誥授昭勇將軍福建漳州鎮標右營遊擊加一級

袁朝暹

誥封淑人

任氏

誥贈武德郎雲貴督標左營守備

羅上雲

羅大綸

誥封宜人

鄒氏

之父母

誥授武德郎雲貴督標左營守備

羅大綸

誥封宜人

唐氏

馳贈奉直大夫安徽鳳陽府宿州知州熊光朝熊載陞

馳贈宜人 王氏祖父母

誥贈奉直大夫安徽鳳陽府宿州知州熊元臣熊載陞

誥贈宜人 筮氏之父母

勅贈武信騎尉署四川綏靖營千總事瞿成璧瞿鍾齡

勅封孺人 彭氏之父母

勅授武信騎尉署四川綏靖營千總事瞿鍾齡

勅封孺人 羅氏

馳贈修職郎四川眉州丹稜縣教諭 王作楫王世良

江油縣志 卷之三 封蔭 三 唐氏之父母

馳贈孺人

馳贈修職佐郎四川瀘州江安縣訓導舒紹董舒展

馳贈孺人 之父母

蔭襲

皇清

乾隆三十九年雲南提標中營把總羅邦寧征噶西喇嘛寺進攻沙爾泥陣亡蔭一子羅基成志

應例

熊師謙 通判

歐載川 州同

王文達 州同

陶正國 州同

熊象鵬 州同

周濂崧 州同

王睿 州同

熊象鶴 州同

江油縣志

卷之三 應例

四

熊思晉 署穎州府通判 委署穎州府同知借補無為州州同

熊象伊 縣丞

許廷棟 從九署陝西西鄉縣縣丞

李中桂 衛千總

張三錫 衛千總

王郊 衛千總

歐相今 訓導彭山高縣雅州府萬縣學

姚景崇 訓導

熊象驤 從九

李國仁 從九

倪文昭 原任浙江上虞縣典史

彭嶂 從九署徽州府休寧縣坎廈司巡檢

熊少梁 指結縣丞補授溫州府平縣縣事卓有循聲

熊長慶 捐納通判

政績

周禮以九兩繫邦國之民二曰長以貴得民三曰師以賢得民蓋官與民貴賤殊矣長養之如父母召杜所由稱訓誨之如子弟誰嗣所由歌惠澤及民而後英聲茂實可垂千載而不朽江邑自宋以來不乏循良而簡編殘缺政績不傳惟有明近代始卓卓有可紀者夫龔黃卓魯前哲匪遙士大夫能以實心行實政安在古今人遂不相及乎志政績

江油縣志

卷之三 政績

後周

陸騰字顯聖龍州刺史通江油路自抵南秦州府平巫蠻之亂

宋

洪咨夔浙江於潛人嘉泰二年進士寶慶中知州事州貢麩金率科礦戶咨夔嘆曰將奉上乃厲民乎出官錢市之江油之民歲戍邊苦運餉為請於漕司免之毀鄧艾廟改祀武侯曰勿忘父母而事仇警歷官學士卒證忠文

謝伯林知江油嘗與水利開赤甲等堰書養生潭三字石刻尚存

元

李彥文 至正年任建學高堂里 養士愛民民追思之

明

周伯汶 江西太和人 洪武年任知縣 撫字有方 創建文廟 以善政稱

文理 均州人 宣德年任知縣 性剛政簡 番寇至 與民誓守城 陷夫婦死之 葬金盤溪

李藻 貴州舉人 正德年任教諭 鄢藍賊 叛奉委督餉 守高城 身親決戰 亡

潘大武 貴州善定人 嘉靖中知江油城 中多火災 公具冠服拜火 火自息 革法平番 戍卒及

金井夫銀 民便之

皇清

黃極 遼東人 康熙十九年任知縣 有惠政及去 民咸惜之

江油縣志

卷之三 政績

二

于有慶 本天濟陽人 康熙三十五年由官生任江 油縣 歷數載 除羨薄稅 邑有父母之頌

王士穎 字學齋 福建閩縣人 康熙已卯舉人 五十 五年知江油縣 歷七載 撫字有方 民立千

家膏雨坊 以誌遺愛

江油縣志卷之三

人物 忠義義士孝友附

惟人也得其秀而最靈參乎三才統乎五常四端萬善皆備於人故忠君利國樹萬世之芳型孝友節操爲一方之表率或立說著書羽翼經傳或摛華採藻穿穴天心他如馬閑車庶朝笏滿床取義成仁英風貫日匹夫而有好義之風下士而負干城之望皆古今所瞻仰鄉黨所欽崇者也我

國家養士二百餘年應運而起者何可勝數江油雖

江油縣志

卷之三 人物

小邑苟有一善一節之長皆簡編所必書也則觀其梗概亦足見造士之盛云志人物

唐

陳該 唐陳子昂陳君石人銘字彥表綿州顯武人其先自潁川遷蜀少好學能屬文上元元年州貢進士對策高第釋褐授將仕郎其明年制較天下大儒司屬少卿楊守納薦君應詞磬文律對策高第敕授茂州石泉縣主簿開耀元年制舉太子舍人司議郎太府少卿元知讓應制薦君於朝堂對策高第敕授隆州蒼谿縣主簿垂拱四年又應制學綜古今對策高第敕授懷州河內縣尉凡歷所職皆以清廉仁愛著聞詳見陵墓志

李 白

字太白涼武昭王九代孫父客避隋末之難僑寓廣漢遂生公墟時袁長庚呈入懷

故以白名少好任俠讀書匡山苦賦詩號謫仙賀知章薦之於明皇召入試清平詭歎曰仙才也坐以七寶床手調羹賜之天寶末嘗推薦郭子儀果為中興功首後白坐永王璘事長流夜郎久之會赦得還終於宣城入祀鄉賢祠

宋

雍繁孫 邑之舊縣壩雍村人故址猶存 紹定中進士以文學名一時

明

衛信 邑人洪武孝廉知荊州秩滿當遷民乞留之歷九載政澤淪浹一時推重為賢守後

陞任主事

徐忠 邑人宣德進士任戶部主事淡於仕進二年遂乞歸里居敦行古道言笑不苟為時

江油縣志

卷之三 人物

二

所重

孫逢吉 邑監生為兩當縣令建學興農士民感德考滿歸田訓子孫睦族黨年九十有三談

笑而終

戴仁 號西嶺嘉靖辛丑進士歷官兵部清吏司生平好吟咏致仕後絕跡城市以詩文自

娛白首弗衰

劉績 邑人科目未詳據羅漢寺水利碑載歷任雲南石屏州知州詔授奉直大夫

梁光裕 四川龍安營都司原籍湖廣麻城人由武進士出身駐防湖南長沙府調陞龍安營

遂家於江油縣全門鄉五甲三木里

梁道濟 明末廩生偕妻楊氏讀書公字山為賊所擒夫妻罵賊殉難

皇清順治初膺
恩旌表崇祀龍安忠義祠

袁尚紀 貴州通志江油人選貢萬歷開播平設餘
慶縣以永寧知州攝縣事捐俸建學敦教

化以正人心田立上中下
三則丁隨田辨邑人感之

皇清

梁冲霄 順治辛卯舉人官浙江嘉興令興利
除弊清介自甘有訟庭花落之風焉

梁藻 東青州府同知陞泰安州
授山

楊廷杰 號木衷順治辛卯舉人留心帖括博
涉經史講學不倦大為士林所推服

羅經國 號世助歲貢生任保縣訓導致仕後
家居授徒尤好吟咏年八十一而終

楊如祖 乾隆甲午舉人歷雲南富民
嶧峨知縣廉介不阿致仕歸教授生徒及卒貧無以葬

江油縣志

卷之三 人物

三

王 棊 乾隆丁酉舉人品端學博制行和雅風度
粹然曾刻丹桂籍行世卒於公車鄉黨咸

王世良 乾隆辛酉拔貢品行端方邑士多出其門
後任丹稜縣教諭年八十三無疾而終

羅萬善 邑恩貢性情忠厚教授生徒多所成就
尤崇陰陽嘗刊傳家寶數百部以勸世

蕭濟成 邑人性孝友夙嗜讀書立品方正子
韶與韶善俱邑庠皆有父風

趙孚天 邑人幼孤事母篤於奉養持
身廉讓方正年七十三而終

馮我初 增生家貧授徒以供母膳極盡色養
性剛正不阿狷介自矢有古直遺風

饒齊愷 邑監生前教諭士盛之孫耕讀傳家不履
公廷方正廉介一邑欽之于鈿廩生學餘

庠生皆有父風

承仁堂楊貞公
傳甚詳

羅錦文

邑增生前保縣訓導經國孫端方正直淡泊無營族黨稱其孝友鄉里重其公廉年七十卒子元吉貢生孫書

辛酉拔貢克紹家聲焉

王以仁

邑貢生任萬縣訓導正直忠厚醇博經史鄉黨咸欽莊雅邑里共仰光明年七十八卒子汝楫貢生孫崇旦崇樸

崇性俱廩庠書香遠紹焉

李廷明

多勇畧獻賊至集鄉人立營自衛賊不敢犯事平授廷明成都城守副將封昭勇將軍同時有敬登第者與廷明同禦賊功最多賊畏憚之

羅奇才

號鳳羽廩生多智畧獻賊至部署鄉人設險自守闕出有兵屢却賊全活甚衆論功授知縣不就及卒名士楊廷杰題其墓曰棠天隱叟

趙獻瑞

邑處士素行芳潔不苟取與雖盛畧不緝衣冠即傭僕末常褻慢人皆目之為趙道學鄉

江油縣志

四

鄰有闢者聞趙道學至即歛手各散廣東李政李調元旌其門曰孝友人家

蕭韶善

邑庠生性孝友嗜讀書現年九十有七尚執卷吟哦忠厚行事耕讀傳家子四人俱入武庠

忠義

明

文理

均州人宣德中任縣事性剛政簡番寇至與民誓守城陷夫婦死之葬金盤溪入祀

忠義

李藻

貴州舉人任邑教諭正德中鄱藍賊之變奉委督餉守城身親決戰亡於陣入祀

忠義

皇清

羅邦寧

邑人隨叔雲南千總大綸任遂山行伍屢立戰功援補提標中營把總乾隆三十九年隨定邊右副將軍明攻克噶西喇嘛寺進攻沙爾泥等處陣亡

江油縣志

卷之三 忠義

賜祭葬蔭襲

一子入祀

昭忠祠

許代坤

邑處士武舉學夔附貢學鵬之父庠生承元署陝西西鄉縣縣丞候補巡檢廷棟之

祖平昔公正豪俠嘉慶五年冉賊入境率眾堵禦力屈被執賊脅令降守義不從竟遇害

張三元

邑人嘉慶五年賊至三元仗義與賊決戰被執不屈賊怒寸磔之臨死罵不絕口

馬步雲

邑人嘉慶五年冉賊犯境步雲率義勇決戰於馬家壩為賊所困死之

竇珍

邑武生嘉慶五年冉賊竄至烏龍寨生與子燕芳率眾禦賊格鬪而死

竇燕芳

邑人即竇珍子父子同時遇害

劉攀桂

邑武生嘉慶五年冉賊之亂生同弟永清當先陷陣力屈死之

劉永清

邑武生即攀桂之弟與兄同時遇害

韓正邦 邑武生嘉慶五年賊首冉添元焚掠河東
上八人事聞總督勒 奏請奉
旨入祀忠義祠

羅一冕 邑處士讀書授徒不求仕進嘗拾遺金訪
口賊遂殺之年七十三
同時男女死者十餘人

歐必榮 邑人嘉慶庚申冉賊至境
率眾禦賊被執不屈而死
梁大成 邑監生慷慨知大義嘉慶五年春率眾禦
賊於公字山二月二十二日賊蜂擁蟻聚

大成眾寡不敵被執怒罵
賊寸磔之老幼無一存者
會朝仲 邑人素性耿直嘉慶五年冉賊
突入被執不屈怒罵遂遇害

羅士俊 邑人嘉慶五年冉賊突至獨持剉刀砍殺
一賊眾圍之被執不屈賊揮其屍為數段
江油縣志 卷之三 忠義 二

彭大綬 邑武庠嘉慶五年教匪至境率眾拒賊
被執罵不輟口而死時年六十一歲
王黥 邑庠生年七十一嘉慶五年
教匪入境罵賊不屈而死

敬儒修 邑庠生嘉慶五年賊
亂被執不屈遂遇害
陳鎮 邑人嘉慶五年為賊所執縛於樹
脅以降鎖罵不絕口賊攢射之

陳天傑 邑庠鳴玉父自幼而孤事母克孝嘉慶五
年賊亂以母在城往視被執於途怒罵不
屈賊遂
殺之

彭利川 邑庠生素孝友嘉慶五年生父歿殯未葬
賊突至利川與妻張氏守殯所不忍去遂
被執不屈夫
婦同時遇害

饒盛貴 邑人嘉慶五年挺身禦賊
被執不屈遂遇害而死

義士

皇清

姚飛文

邑監生尚義濟貧樂善不倦再賊之亂兵

督勒深嘉之給以衛千總並旌其門年八十無疾

而逝臨終以書院頽廢囑其子曰余久有意培補

憾此願未遂今賞志以歿爾曹其必成吾志後孫萬程置田於書院果克成其志焉

陶大經 邑州同冉賊逼境大經表率鄉勇堵禦賊

憲給九品職 銜以旌之 邑監生冉賊焚掠河東倉廩無遺正儀輸

陶正儀 穀貳百餘石地方賴以安靜聞於上臺給

汀油縣志

卷之三 義士

韓宗禮 邑貢生慇直樂善凡濟困扶危諸多義舉

勒嘉其行給 以八品頂戴 邑職員善於居積富而好義施捨義塚棺

趙仕順 榔衣米無算冉賊入境饑饉相望仕順輸

穀貳百餘石事間總督 勒授八品職銜以嘉之 趙榮川 邑人性豪邁喜結納排難解紛好行其德

活甚衆上憲高其 義給以九品之職 吳伯仁 邑監生冉賊由梓潼犯境江彰一帶居民

逃竄伯仁招集義勇拒賊河西復施穀百

餘石安撫流民事聞總 督勒子以九品職銜

楊熙功 邑人性端慤敦厚里中喪不能殯者助以

棺具丙辰冬中壩太平兩市火民舍俱燼

復按戶賑給人咸德之五年春再賊擾害人多流
亡黑坊傾囊解橐力為賑濟有司上憲先後咸褒
焉獎

劉金柱 邑人輕財好施與楊熙功同修橋梁石路
屢費千金不吝每年捐捨錢米賑窮恤貧

趙宜昌 邑庠生為人倜儻好義喜施與賑孤貧凡
不能婚嫁葬埋者力為贊助之有急難遇

災者加意周卹之建橋梁修道路施棺木置義塚
累千金而不吝每遇歲饑則積粟散賑人咸以為

輕財尚義云

韓允昌 邑從九職素慷慨乾隆五十八年歲饑斗
粟千錢施米百餘石以賑饑民總督孫曾

旌之嘉慶五年教匪入境難民逃奔餓殍
相籍允昌慨捐穀米存活甚衆人咸德焉

胡國林 邑人賊匪擾害難民乏食國林捐穀發粟
賑濟流離側有寨名公字山被賊蹂躪屍

江油縣志 卷之三 義士 二

骸枕藉國林捐貲募工親為砌石掩埋卒年八
十子嗣滂嗣馨猶繼其志屢置義塚施棺木焉

朱廷明 邑人好施濟乾隆五十六年米價騰貴居
民饑死者枕相藉也廷明慷慨不吝以積

穀四百石散給饑民多賴以生又嘗修石路千餘
丈以便行人卒年八十三鄉里至今猶稱善人之

名不置焉

羅聯陞 增生活靜端方好施惜字凡建橋
修路諸善事不惜傾囊以成之

劉良芳 邑監生冉賊擾亂河東生以積穀
賑卹難民地方安靖鄉人賴之

趙之鈞 邑監生嘉慶五年河東居民避難乏
食生慨施穀米里人咸資粒食焉

王獻祥 邑民冉賊圍金寶寨衆心惶恐
獨獻祥鎗斃數賊圍遂解

郎文治 邑處士生平公直尚義鄉黨欽之嘗
施義塚地十餘畝以便貧人瘞葬

張如璧 邑武生監生可欽職員可宗武生可忠之

卒年九十歲

劉廷璋 廩生鼎新之父生平好善曾督修礮梁

郭應魁 邑庠生慷慨好施嘗製綿衣以濟貧窮人

何成壽 邑處士好施拯困窮無吝心人稱戴無德

雍中林 邑增生國學雍興之父端方孝友代族婚

藥貲年七旬無疾終孫問仁安仁

何璋 邑武庠玉祥父貢生啟元祖慷慨好義獨

力建橋六座修路二百餘丈屢費千金施

其券敦行善事始終不倦年八十卒

張邦器 邑庠生輕財尚義凡建橋修路賑

張則忠 邑人慷慨好義父以才建修張家橋後則

王志綱 邑庠兆昇廷徽佩玉之父幼失怙恃事胞

善好義砌路修橋傾貲不吝遇貧苦疾病輒施藥

助錢以周濟之年七十三因兄歿傷毀相繼而卒

肯忠文 邑監生家不中資樂行善事於西坪渡頭

棺塋埋迄今三十餘年不倦

江油縣志 卷之二 義士

米以濟貧乏未殮者助以棺負債者焚

唐餘慶

職員素行樂施常於雁門場修石橋一道

四千餘金並未募化一文且不求譽

於人即垂有碑誌亦未載出已名

吳昌興

中壩人家不甚富好善樂施至老不倦凡

名入皆以不

沽名重之

歐衍慶

道光十八年米價騰貴常施米捐錢縣令

其十九世祖名堪甲始遷來江世世均能以積善

存心凜遵其十五世祖名明壩者家訓而行是以

鄉里咸推重焉歐明壩家訓云余歐氏宗派始居

占水繼徙宜章至永隆公復遷樂昌之東里系繁

支盛係賴祖宗之蔭庇而發祥耳異日圭璋廟廟

黼黻明廷昌大其家聲者知不乏人也不可為吾

族幸哉然而猶有慮者盛族大而驕或人滿而悍或

江油縣志

卷之三 義士

四

風橫而盜或心蕩而賭或習僻而淫或志昏而侈

或氣暴而鬪或性健而訟凡此惡劣陋行不惟

玷辱於祖宗抑且貽譏於鄉里犯天神之所忌集

人鬼之所怨非陽羅以刑即陰譴而誅道德經曰

天網恢恢疎而不漏感應篇曰善惡之報如影隨

形諸佛經曰欲知前世因今生受者是欲知來世

因今生作者是易曰積善之家必有余慶積不善

之家必有余殃由是觀之因果之說聖賢未嘗不

致意焉自非信而有徵何能言之鑿鑿耶後之覽

者可不信而畏戒歟余願吾族之人自今以往以

忠孝為心以友恭為念遵禮讓顧廉恥勿作無益

勿喜遊蕩居家惟忍蒞事以勤子弟資性聰慧者

習詩書即或不克顯親揚名而皓首窮經明理安

分亦不失為盛世良民倘質地魯鈍則又有

農之可務焉襤褸不必恥其陋胼胝不得辭其勞

謹身寡過安命隨緣此其宜也若夫讀無資耕無

力者未嘗不可擇一途以營生志效陶朱公江湖

貿易糴賤販貴子母互權是又非生活之一經哉

外此而求治生斷不可爲訓也吁後之人能遵吾
言而行之上則名成顯親闔族亦與有榮施次則
仰事俯育家人亦藉以溫飽人人移誦戶戶農桑
耆年無市井之遊稚子絕浮誇之習則無負我祖
永隆公之經營締造矣
願歐氏子孫共勉之

田思茂

生員朝鼎父五歲失怙時家極貧遵母訓

以錢米周恤道光十九年饑出米濟之培古塚百
餘倡首建社倉及中壩石路白楊溝山石路街鄉
咸敬服焉

孝友

皇清

袁州宰

邑生員好義次子母病數年不痊州宰禱

懷小刀

於觀霧山誓以身代雍正元年私攜香燭

覓尸得

之鳥獸罔侵越月母病忽痊

陳天爵

邑儒士其母病危嘗割股以療之後數年

甯愚

邑貢生竇坪壩人安貧讀書曾舉孝廉又

十三年

署教諭祝岷上其行巡道張

之俊贈

孝子詩知縣瞿緝曾為之記

李興夔

邑人孝友無虧親歿後早夜必拜叩墓所

諸昆季

備極友愛尤好施濟嘉慶二年米

價騰貴

施米百石以濟貧乏邑令曾旌之

趙宜禎

邑人年十九家貧母病漸至垂危宜禎焚

香祝天割

股以療母病尋愈李長紅為贈

李國仁

邑人端慤孝友母歿父繼娶戴氏奉事惟

好施濟

敦行善事從九職母促之仕不就平居尤

卓然有

古風焉

羅發新

邑文生壽耆必明長子年十五生母卒父

病衣不

解帶食不茹葷人咸異之異母弟三生友

愛勝於

同胞衣服飲食必均始終怡無間迄今

猶四世

同堂焉

何端偉

邑人嘉慶五年舟賊殺其父母偉持鎗

奔救賊

並殺之破胃剖腹其死最慘

鞏自明

邑人節婦袁氏子家貧事母純篤及

病割股以救遂愈里人咸稱其孝

江油縣志

卷之三

孝友

敬服銘 邑庠生家貧事繼母克盡孝養待異母弟
賊殺其母服 勝於同胞嘉慶五年教匪入寇母子被執
銘殉難卒

陳端陳常 儒童家素貧事親誠敬嘉慶五年賊匪
人持械協護父母賊俱 至父紹唐母唐氏年俱八十餘兄弟二
殺之父母竟免於難

李定國 庠生倣英子生員建章之父性至孝母病
割股以療遂愈後入邑庠卒年八十餘歲

張雄德 事親惟謹母病革割股 療之遂愈年八十二卒
陳載陞 增生昌元子父病晨昏侍奉及病危篤割
股以療遂痊後與子同入泮僉以為孝德

江油縣志

卷之三

存友

二

嚴希堯 處士性友愛胞弟希舜早卒遺三子俱幼
撫育如已子婚娶皆身任之且憐任紹先

功名未遂俛遊太學迄今四 世同堂不忍異爨人皆難之

胡華貴 醫士家居陰平河中磧父母年咸七十餘
水甚失筏楫身墮下流三里許幾死忽原筏自至
須臾楫亦得復逆流還救其父母適有巨石站身
載之而歸僉以為孝念所感

馮道駿 庠生母郭氏病革駿割股 食之遂愈通年母乃卒

王杰 母冉氏八十三歲卧病年餘醫藥罔效杰
渴誠致齋三日割腕肉奉母療病母病尋愈

趙白天 邑增生幼孤事母至孝嗜讀因家貧母老
棄儒就醫得資奉母有餘者即製丸散施
濟貧乏母甚喜妻故遺二子皆幼誓不更娶躬親
撫養竭力承歡長子文新讀父書業醫妻死亦不
復娶綽有父風次文運始六歲文新鞠育訓誨輔
道成立無愧厥兄弟文運亦遵兄誨苦於經書

江油縣志卷之三

列女

婦人之道節義為重女子之德貞靜為先古之名媛具見於列女傳後漢書華陽士女志者類皆室家之壺非第傳栢舟之節誌黃鵠之悲也惟是所遭不一或雍容守義而之死靡他或倉皇禦侮而有死無二是雖閨中弱質何減於鬚眉丈夫今逢盛代旌揚不遺夫泉壤祠祀用光夫俎豆不誠足以彰勁節而勵人心哉况江邑自漢李夫人羞與不義同生載諸史冊千秋景慕女德之貞有自來矣則發潛德之幽光遡芳型於下里亦載筆者所樂得以紀其實也志列女

江油縣志

卷之三

列女

一

皇清

節孝

蔣氏廩生舒繼董妻年二十九夫亡嘗割股療姑病家甚貧課子苦無書日夜紡績以麻縷布帛易之子三典謨訓皆成名壽八十二奉首建坊入祠

李氏

儒童羅連科妻年二十七夫亡善事翁姑年俱八十撫其子邦福食邑廩餘孫基充選貢

為邑名士焉

馬氏 訓導儒駿女生員趙楮妻年二十五夫亡始病每焚香請以身代始年八十子光宗由武

庠舉於鄉人咸以為節孝之報

舒氏 貢生謨之女儒童侯宁妻年二十一夫亡子未彌月女僅二歲矢志守節事姑備極色養

自甘淡泊衣雖百結無怨卒訓子成名後以壽終

雷氏 儒童呂和鐘妻年二十五夫亡氏承立室家勤儉創業數十年始終一致

呂氏 武生王永正妻年二十六夫亡辛勤訓課督其子光大前業

王氏 處士韓天生妻年二十五夫亡苦節足不履闕雖至親宰覲其面里人咸服其操

王氏 選貢世良女儒童賈琳妻年二十一夫以試見遺氣鬱而逝氏悲之父母舅姑無以釋其痛逾年亦亡為合葬以全其志

江油縣志 卷之三 節孝

蕭氏 處士薛維棟妻年二十二夫亡撫子成名又故再撫孫化楠零丁孤苦歷盡艱辛有司表

其廬

沈氏 廩生盧升瓊妻年二十七夫亡事姑以孝持家以勤子不幸而殤冰操愈勵撫姪成立後

終以壽

宋氏 苗筠節妻年二十二夫亡矢志守節歷五十年不懈教子成名年七十餘而終

向氏 邑庠劉立魁妻年二十八夫亡苦節撫子年八十而卒邑令旌之

侯氏 儒童笄名儒妻年二十五夫亡夫弟鉅儒亦亡家最貧偕弟婦彭氏苦守子俱成立有司

表以額曰一門雙節

彭氏 笄鉅儒妻鉅儒亡時氏年二十三歲同嫂守節事見前

趙氏 邑處士王文忠妻年二十二夫亡青年矢志
旨建坊入祠

陳氏 邑處士朝輔女武生歐相如妻年二十七夫
亡事姑以孝教子有方長溢泰乙卯

恩科武舉次溢清武庠奉
旨建坊入祠

郎氏 邑處士思榮女儒童玉文林妻貢生鳳鳴儒
童鳳岡之母年二十八夫亡氏凜冰操勤織

維孝事翁姑卒能訓子名
重成均里人稱賢婦焉

笄氏 邑處士楊珍妻太學生廷魁之母年二十七
夫亡三月始生廷魁克盡孝道訓子成各里

人稱苦
節焉

谷氏 邑處士陳邦紳妻年二十七夫亡無子撫姪
世賓遊文庠翁姑多病氏嘗祝以身代年七

江油縣志

卷之三 節孝

三

十餘
歲

張氏 職員文彬女儒童羅應發妻年二十二夫亡
子壽元僅三歲姑老多病氏奉事維謹苦節

數十年子
入太學

吉氏 邑廩生聯崧之姊庠生李興德妻夫歿時氏
年二十四子成文甫三歲氏毀容守志事姑

訓子因親歿悲痛雙目失明
卒能撫子成立克承先志

羅氏 貢生元吉之姑儒童丁桂蘭妻年二十二夫
亡子儒甫一歲姑慮氏不能守氏泣誓曰媳

家事詩書畧知大義寧死不
作下流人也終撫一子成立

岳氏 貢生聯臣女儒童葉廷史妻年十九夫亡家
貧親老矢志貞堅其姑病卧九載湯藥不懈

撫二子成立孫綦榮邑
廩生氏年八十壽終

劉氏處士林之女儒童郎思榮妻生員慎修之母年二十九夫亡家貧親老氏曲盡孝養教子有方後八十餘歲四世一堂猶康健不衰人咸以貞壽稱焉

楊氏邑庠生清之女儒童李興春妻年二十二夫亡氏撫二子苦節四十餘年猶紡績不輟人以爲有敬姜之風焉

冉氏瞿朝貢之妻成已之母年二十六夫亡矢志不二事始撫子歷節五十餘年八十一歲卒邑庠懋功之女儒童李相國妻生員毓奇之母年二十八夫亡氏冰操自矢訓子成名勤績紡守婦道焉

羅氏業儒一忠女曹邦傑妻庠生德儒之母年二十五夫亡氏矢志靡忒事翁姑以孝敬萃四世於一堂七十三歲卒有司曾旌其門

江油縣志 卷之三 節孝 四

王氏邑耆瑞元女劉世梓妻貢生見復庠生敦復之母年二十七夫亡冰霜自矢貧苦是甘紡績延師訓子成名年八十卒

張氏儒士大千女丁國安妻年二十四夫亡子和陽甫歲餘氏清苦自甘撫子成立孫爲善列邑庠年七十九歲卒

高氏邑庠生攀桂之姊處士楊熙元妻夫歿時氏年十九子成茂未週月家貧苦節上事瞽目翁姑下撫弱子邑令屢旌之

趙氏邑庠生瑄之女王廷迪妻年二十一夫亡遺腹子汝賓氏立志守節家貧績紡孝事翁姑訓濱成名七十二歲卒

成氏生員康仕女李天錫妻年二十五夫亡越三月始生子書升氏矢志堅貞養親盡禮訓子

各成年七
十餘歲

夏氏 理珍女蕭鈞孀妻選貢廷芳之母年二十五夫亡氏矢志守節子孫成名卒年八十餘歲

饒氏 監生齊愷女處士馬方妻廩生紹遠之母夫卒時氏年二十一姑高氏年八十二子甫三

歲兄嫂繼歿遺二子俱幼氏事姑育子撫姪備歷艱辛始終不易人咸稱之

李氏 景揚之女貢生張如奎之妻武生廷彪之母年二十九夫亡矢志貞操撫子成名年九十

餘歲

袁氏 壽耆瑤之女李昌國妻年二十一夫亡子馨甫歲餘氏矢志守貞善事翁姑撫子成立里

人咸稱

劉氏 邑處士韓必達妻年十五夫亡操自矢子四長際昌邑交庠次運昌貢生次允昌職員次正邦

江油縣志

卷之三 節孝

五

武庠殉難事實詳忠義氏年八十四歲卒

楊氏 治河女劉文幹之妻年二十八夫亡氏冰霜自矢事親撫子歷節五十餘年年八十餘歲

王氏 章林女何安道妻生員思毅邦俊之母年二十七夫亡矢志靡他事親克孝撫子成名年

七十八歲卒

王氏 化龍女萬用顯之妻監生德燦德煥武生德焯之母年二十六夫亡堅節撫孤年八十八

卒歲

羅氏 賴懋榮妻年二十四夫亡矢志守節竭力事親撫子成立年六十餘歲

周氏 漢生女唐登道妻生員際虞之母年二十夫亡子甫生有欲奪其志者氏栢舟自矢堅貞不移撫子成名年八十卒

蔣氏 芳培女生員唐際虞妻廩生元良之母年二十七而卒

徐氏 彰邑貢生徐至女宋佩妻增生賦廩生準之成名年七十餘歲

吉氏 文才女鍾才元妻年二十三夫亡誓不他適事親克孝撫子登榮成立年七十歲

羅氏 庠生啟元女何天眷妻年二十一夫亡遺腹生子長泰氏矢志不二事親克孝撫子名列太學年七十歲

鄧氏 盛朝女劉寬衢妻監生洪興之母年二十四夫亡子甫一歲氏矢志守節養葬盡禮年八十有四

江浦縣志

卷之三 節孝

六

李氏 順達女羅啟宇妻庠生敬修母年二十六夫亡矢志貞操孝姑撫子年八十餘歲

張氏 清之女熊載道妻年二十九夫亡矢志守節訓子象鵬職列州同七十三歲卒

談氏 文玉女劉天崇妻年二十四夫亡子朝元甫歲餘誓不他適撫子成立年八十餘歲

李氏 傲翰女貢生恒新之姑適儒童王學周年二十五夫亡子玉甫七月姑老子幼氏矢志冰霜事姑曲盡孝養撫子

唐氏 耀之女嚴自新妻年二十二夫亡子興讓甫歲餘矢志守節撫子成立年六十餘歲

李氏 邑庠興德女生員楊燦妻年十九夫亡無子氏矢志守貞誓不再醮撫弟庠生楊煒子以延夫嗣里人咸稱之

范氏 貢生文玉女侯方岳妻庠生鎮川母年二十九夫亡氏守節孝姑訓子成名里人咸稱焉

張氏邑庠邦器胞姊李輔國妻年二十九夫亡氏守節孝姑撫子固舒敦成立年七十餘歲

楊氏于朝女趙學正妻年二十五夫亡撫子宗先甫成立又歿氏勵節彌堅與媳魯氏同守年

八十四歲

魯氏縉藩女趙宗先妻節婦楊氏媳年二十夫亡子皆甫歲餘氏貞操自矢事姑撫子人稱一

門雙節

劉氏來鳳女張崇學妻年二十六夫亡遺腹子鳳才氏守節不一撫孤成立孫曾今極盛焉

郝氏業儒梁珩妻郝子元女年二十六夫亡撫子三嘉慶五年賊圍公子寨三子俱遇害氏苦

節五十餘年熒子無依撫族姪盛謀之子為孫以繼先嗣

朱氏隆修女羅士元妻年二十一夫亡子國棟甫半歲氏矢志靡他惟勤紡績敬事翁姑訓子

江油縣志 卷之三 節孝

七

名列成均年六十餘歲

蔣氏邑庠光宗女適儒童劉文秀年十八夫亡遺腹子載德矢志貞堅撫孤成立年七十餘歲

蔣氏邑人仕堯女徐有恕妻年二十六夫亡子二矢志守節歷五十餘年不易卒年八十二歲

陳氏陳祥女國學湯毓秀妻年二十四夫亡遺二子氏水心自矢奉姑育子苦節七十餘年卒

吳氏埭之女邑庠彭宗洙妻年二十八夫亡堅貞矢志訓子成名年六十九歲卒

敬氏貢生容之女儒士郭維城妻年二十四夫亡遺腹子永鎮姑王氏亦寡氏奉姑孝敬撫子

成立兩世單丁一門雙節子永鎮國學孫若崧邑庠生

宋氏邑儒士任治德妻年二十七夫亡矢志堅貞孝姑撫子終始不渝年八十餘歲

薛氏昌義之姊羅廷禮妻年二十六夫亡子惠華甫二歲氏冰霜自矢紡績殷勤善事翁姑廷

師訓子鄉
黨咸嘉

李氏 邑岸生倣英女陳信之妻年二十五夫亡子天春天科俱幼氏矢志靡他考敬翁姑撫子成立人咸欽敬

年七十餘歲

王氏 處士溢之女袁學忠妻年十八夫亡子朝序甫月餘矢志靡他考事翁姑撫孤成立年六十餘歲

十餘歲

吳氏 國斌女羅啟賓妻庠生上珩上瓏之母年二十夫亡堅貞自守事姑訓子兩盡其道又能好義施義塚二十餘畝建曲江橋一座水口廟一所年七十六歲卒

張氏 任之女賴世興妻懋學之母年二十四夫亡氏矢志不二孝事翁姑撫子成立年七十餘歲

江油縣志

卷之三 節孝

八

劉氏 章信女張以才妻年二十六夫故子則忠甫生氏守節孝親撫子成立年七十餘歲

馮氏 邑人國祚女嚴仲仁妻年二十六夫亡子紹儒甫三歲氏事翁姑撫孤子苦節堅貞年八十有餘

十有餘

唐氏 允功女監生劉邦陞妻年二十八夫亡子幼矢志靡他善事翁姑撫子成立尤好修道路里人以

碑誌之

鄒氏 學海女職員李正泰妻年二十六夫亡子忠式甫七歲氏誓不再醮堅貞苦節年卒餘歲

李氏 王永正妻

唐氏 安樂女適儒童傅上謨年二十三夫亡矢志守節子離陵離岡俱邑武庠年八十歲

廖氏 邑指貢生王清宇之妻監生廖昭啟之胞姊年二十六歲夫亡時長子幼次子遺腹未生

姑老在堂氏養姑教子備極勤勞尤慷慨樂施能明大義宗族鄉黨交頌其賢學憲黃曾賜匾式獎優

曹氏 邑監生王清華之妻監生曹德興之胞姊年二十五歲夫亡姑老子幼曲盡婦道偕兄嫂

廖氏 孀居守節嚴課子讀鄉里賢之現年五十九歲學憲黃蒙賜一門雙節匾式

杜氏 邑處士王道明之妻杜薦廷之女年二十六歲夫亡時翁姑俱老子幼無知氏內盡婦道

外理家政儉樸自安嚴課子讀親隣咸以為賢現年四十九歲

姚氏 邑處士王道俊之妻福建縣丞姚千玉之女前孀婦廖氏之媳也年二十四歲夫亡時姑

老子釋佐始守節承顏悅志內外襄理暨姑歿殯葬盡禮守分安命辛苦備嘗現年四十三歲

杜氏 邑處士王道來之妻杜福光之胞妹年二十五歲夫亡時姑多病氏委婉順承能盡婦道

江油縣志

卷之三 節孝

九

夫歿未久子隨幼孀幃幃孤苦終始無異志現年五十三歲

姚氏 邑處士邱興仁之妻姚千富之女年二十五歲夫亡時翁姑卧病經年起居扶持承歡悅

志備極辛勤及翁姑相繼去世家甚窘迫殯葬幾不能支累債又多日被催討欺凌氏皆甘心忍受

衣食所出半藉十指兼無子嗣或勸改適則以義命自誓後過繼長房邱興萬之子邱經美為嗣

陳氏 陳文斌之女汪現靈之妻氏二十六歲夫亡其子映元生甫三月氏守節時家極寒苦伯

兄百般逼嫁氏矢志不奪育子教子今七十八歲尚康健勤儉子映元為人忠厚鄉黨咸稱家業日

與僉以為善遵母教云守節五十二年

王氏 係彰邑王京和之女雍輔仁之妻輔仁故時始終如一勤於績紡訓子耕讀今氏年五十九歲

兢兢自矢前學憲黃曾賜九熊善教之匾旌其

門守節三十四年

陳氏 邑文生馬登元之妻生員陳圖之長女生子

子戎立視孫文明得廩每領膳必虔祝朝北跪謝享壽至八十八歲

左氏 朝相之女業儒吳祖昌之妻年二十九歲夫亡子未滿三月氏矢志堅貞事姑慇懃家寒

無措紡績教子守節三十四年

程氏 係文生劉承乙妻年二十四歲夫故守至六十四歲卒計守節四十年

陳氏 捐州判陶正國之妻夫亡時氏年二十四歲遺子二長大經南三歲次大成甫周歲氏事

始教子經理產業家道漸裕為長子大經捐州判職而長子病廢長媳楊氏因夫病失明次子大成亦相繼亡次媳張氏年二十三歲遺子陶銓未周歲張氏能體姑志兼效姑風矢志堅貞 學憲黃

江油縣志

卷之三 節孝

十

曾給一門雙節匾額其子陶銓亦以孝聞

李氏 歐溢阮之妻溢阮故時氏年二十七歲矢志守貞奉養孀姑撫子成立現年五十八歲守節三十一載

始終無虧

李氏 甘錦文之妻邑民李貴五女夫亡時氏年二十六歲遺子襁褓氏孝事翁姑苦撫遺孩俱能成立現年五十六歲

申氏 儒童張鏡之妻監生張廷階之母生子二夫亡時氏年二十一歲堅貞守節始終不渝上

事翁姑下撫幼子里黨之人無不奉為闔範現年八十一歲

胡氏 儒童竇茂芳之妻營千總竇凌雲之母生子二夫亡時氏年二十三歲確矢志苦節事姑以

孝撫幼以慈 學憲黃賜彤管清芬匾額十五年問邑士民公舉

旌表建坊現年六十九歲

楊氏 係趙岱妻年二十一歲夫亡守至

寶氏 係張學禮妻年二十歲夫亡守至

晁氏 係趙文燦妻年二十六歲夫亡守

焦氏 係笄啟儒妻年二十三歲夫亡守

闕氏 係張槐妻年二十五歲夫亡守至

王氏 係楊簡妻年二十九歲夫亡守至

彭氏 係武舉羅大倫妻年二十八歲夫亡

雍氏 係謝桂生妻年二十九歲夫亡守

江油縣志

卷之三

節孝

十一

王氏 係李茂妻年二十一歲夫亡守至

胡氏 係劉正乾妻年二十歲夫亡守至

嚴氏 係任國龍妻年二十八歲夫亡守至

雷氏 係吳大德妻年二十六歲夫亡守

劉氏 係黨岐鳳妻年二十八歲夫故守

呂氏 係黨欽儒妻年二十七歲夫亡守

王氏 係監生李體國妻年二十七歲夫亡

李氏 係羅啟政妻年二十六歲夫亡守

鄧氏 係呂成棟妻年二十八歲夫亡守

蕭氏

係劉德端妻年二十八歲夫亡守至七十六歲卒計守節四十八年

王氏

係陳文愷妻年十九歲夫故守至七十二歲卒計守節五十三年

常氏

邑處士劉浩之妻常餘之女嘉慶五年教匪亂夫浩遇賊身亡氏年二十七歲時翁姑在

堂家極寒氏立志苦守曲盡婦道一子廷桂教養成立至二十七歲卒氏焚燬子立撫孤孫女相依

以老現年六十八歲

楊氏

彰邑增生楊樹萱之女廩生熊播之妻夫歿遺一子一女女二歲子未匝月氏矢志守貞

撫養子女

王氏

係邑監生王凝瀾之女儒童陶大受之妻生子二長應廷次應選大受故時氏甫二十三

歲立志守節堅貞不移且孝事翁姑慈撫幼子道光十年學憲郭賜節孝匾額

江油縣志

卷之三

節孝

十一

劉氏

係邑監生劉作榮之女儒童姜芝源之妻生子一女一芝源故時氏甫二十六歲自甘清

寒確矢苦節事姑以孝撫幼以慈且賦性溫良言笑不苟現年七十八歲守節五十三年

龍氏

係邑庠生龍際飛之女儒童石有倫之妻有倫物故時氏年二十四歲生子三長生貴次

牛余三生玉家貧姑老紡績供養統計苦節三十六年

劉氏

係劉朝朋之女儒童徐順長之妻順長物故時氏年二十七歲自甘貧苦菽水養親現年

百二歲統計苦節七十四年道光二十年閭邑上民公舉

旌表建坊

謝氏

係之成女瞿鍾廉妻年二十八夫亡矢志守節事姑盡孝教子有方氏現年六十一歲

羅氏

處士羅君惠之女儒童涂明華之妻夫故遺一子名良志甫十月氏年十九歲矢志堅貞

白氏

庠生白尚禮之女壽民石有銘之孫媳石中

年逾六

秩氏年二十四歲生子二耀廷獻廷乳哺

無知氏

善事祖父母及翁姑先意承志始終無懈

鄉里競

式法焉

胡氏

監生胡芳華之女壽民石有銘之孫媳石成

矢志匪

他曲盡婦道祖父母及翁姑年俱邁賴二

婦賢孝

甘旨無缺鄉黨稱其一門雙節繼白氏次

子獻廷

為嗣入國學

季氏

彰明處士季書之女李華之妻監生光全之

寒微氏

矢志守節極力理家家業漸盛令子援例

入國學

因勞心太過雙目失明生平最重羞惡治

家有禮法

現年八十二歲

江油縣志

卷之三

節孝

歐氏

係歐相儀之女濫鈞之胞妹增生胡凌霄之

教子現年

五十二歲

劉氏

吏員劉應魁之胞姊生員劉君義之胞妹儒

年二十一

歲矢志守貞撫大受成

立接例入

監氏故時年五十八歲

劉氏

職員劉祥華孫女儒士劉煥彩長女監生朱

在堂願撫

子事姑子名章

玉業儒氏

現年五十二歲

王氏

故衛千總國書之妻道光十八年歲饑米價騰

千糴米賑

荒炳南復邀監生嚴榮發等損錢一千串

有奇賑濟

貧民藉以得活者衆前縣李均給匾額

劉氏

儒士趙樂天之妻夫故遺一子未通歲家貧僅

薄田畝氏

勤績紡撫子成立年未五旬子亡遺

孤金城甫四歲氏與孀媳劉氏共勵節操撫金城
成立前學憲黃賞給德備堅貞匾額現年七十九歲
粟氏儒士劉祚衡之妻衡故氏甫二十歲無子繼
成立娶何氏生孫宗瀚甫數月煥珠故氏與何氏
共操水霜同辛苦教孫成名入文庠前學憲黃賞
給一門雙節匾額

馮氏武生馮昭之女職員衛清字之妻夫故守節
於成立誠無愧於以五齡氏士寧孀姑下撫幼子迄
母道而兼父道者也

魯氏文庠丁為善之繼妻儒士魯廷輝之女也年
一子後夫隨歿氏矢志栢舟撫前子與
已子克盡母道毫無間言鄉里誇美

陳氏處士陳汝智之女儒童唐子興之妻監生唐
廷俊之母嘉慶二十二年子興病故陳氏年

江油縣志

卷之三 節孝

十五

甫二十二歲家貧姑老該氏克盡孝
道慈育幼子堅貞自矢遠近咸稱焉

王氏歲貢生王瑗之女增生鴻國之姊適廩生朱
櫻之長子為妻曉大義解詩書天性至孝舅
姑病篤參苓罔效氏欲割股而愧其愚乃具疏乘
夜至祖塋告於天地祖宗乞以身代死旋古勿藥
鄰里見其疏稿始知代死
之誠至今猶噴噴人口

韓氏係武生韓驥昌之女涂明富之妻夫亡氏年
二十二歲無子僅一女甫周歲見嫂羅氏守
貞亦願與嫂共矢柏操誓不再醮翁甚
喜命次子監生明齡過繼一子為嗣

萬氏州同熊象鶴之妻梓邑監生萬德音之女也年
十九歲州同病故苦志守節迄今四十餘年

節烈

漢

李氏 守將馬邈之妻 爰興元年冬十一月鄧艾深

寒邈歸私室與妻擁爐妻曰近聞邊關告急君豫

然何也邈曰主上聽信黃皓溺於酒色吾意禍不

遠矣魏兵至吾必降李唾其面曰君為男子先懷

不忠不義之心虛受國家爵祿吾何面目與君共

生乎邈默然忽報鄧艾已入城邈大驚忙出降李

聞之自縊死艾問其故邈以實告艾憐其賢具棺

葬之靜軒詩曰可憐巴蜀多名將

不及江油李氏賢陽亭有烈女祠

楊氏 明末廩生梁道濟妻偕氏讀書公字山被賊

所擒夫妻罵賊殉難

皇清順治初膺 恩旌表崇祀龍安府節義祠

江油縣志 卷之三 節烈

皇清 楊氏 邑處士天睿之女衛千總張三錫妻嘉慶五

年賊匪入境氏被執罵賊不辱遂遇害奉

旨建坊入祠

何氏 邑庠生宗文女儒童劉承貴妻年二十三夫

承仁堂文楊良女 楊貞女 幼字張五 成富江中張氏 子拒戰死女 依父母不嫁父 母凌諸兄年 依兄子終老 年五十八

不從引刀割髮塗面垢身氏族

鳴官氏誓不再醮卒撫孤成名

羅氏 吏員廷柱女邑庠生蕭升學妻嘉慶

五年再賊入境被執不辱賊遂殺之

方氏 邑人國才女蕭聖敬妻嘉慶五年攜女與媳

一室氏慮汚辱乘賊 聚飲逃同赴水死 王氏 邑民竇德修之妻武生王安國之妹翁始早 歿家貧如洗德修身染惡疾眉髮盡脫腥臭

異常見者皆掩鼻而去氏日夜績紡供養其夫毫
不生嫌其夫屢勸氏改嫁氏涕啼誓以不事二夫
德修因暗將氏許富戶李某且親送至李某之家
其夜氏竟投水自盡鄉隣無不悲憫眾皆捐貲安
埋復建

豎碑誌

王氏 係何思俊妻年三十五歲嘉慶五年
遭教匪冉添元入境被執不辱遇害

王氏 係敬太左妻年三十八歲嘉慶五年遭教
匪冉添元入境被執欲汚氏大罵遇害

劉氏 係文生敬文和妻年三十二歲嘉慶五年
遭教匪冉添元入境被執罵賊不屈遇害

何氏 係敬文儒妻年三十歲嘉慶五年遭
教匪冉添元入境被執罵賊遇害

王氏 係黃宗明妻年三十三歲嘉慶五年遭
教匪冉添元入境恐為賊汚投水自盡

向氏 係敬文賢妻年三十九歲嘉慶五年教匪冉
添元入境避難中途遇賊欲汚氏大罵遇害

江油縣志

卷之三 節烈

二

許氏 邑武舉學夔女儒童張天清之妻嘉慶五年
冉賊入境氏與姑同遇賊不辱見姑遇害氏

即投
水死

唐氏 係李春之妻道光十年因被堂弟李鰲調姦
未成和息後追悔抱忿縊斃捐軀明志節烈

可嘉奉
總督部

堂琦題請

旌表建坊入節孝祠設位